

Broj: 03/05-02-1100/2013
Sarajevo, 13.02.2014. godine

**PARLAMENT FEDERACIJE
BOSNE I HERCEGOVINE**

- Predstavnički dom -
n/r gosp. Tomi Vidoviću, potpredsjedavajućem

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMLJENO: 14-02-2014				
Broj	Priloga	Broj i godina	Vrijeme	Broj
01-02-		1313	/13	13x

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno: 31-03-2014				
Org. jed.	Broj	Priloga	Vrijednost	
01-02-	1313	/13	10x	

Poštovani,

U skladu sa članom IV. B. 7. C) (III) Ustava Federacije BiH, a u vezi sa članom 193. stav 3. i čl. 184. i 185. stav 6. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07 i 2/08), u prilogu Vam dostavljam **Mišljenje Vlade Federacije Bosne i Hercegovine na Prijedlog zakona o izmjenama Zakona o visini stope zatezne kamate na javne prihode – hitni postupak, koji je predložila Hafeza Sabljaković, poslanica u Predstavničkom domu Parlamenta Federacije BiH i Amandman Vlade Federacije Bosne i Hercegovine na Prijedlog zakona o izmjenama Zakona o visini stope zatezne kamate na javne prihode.**

Gore navedeno Mišljenje i Amandman na Prijedlog zakona Vlada Federacije Bosne i Hercegovine je utvrdila na 42. hitnoj sjednici, 13.02.2014. godine.

S poštovanjem,

PREMIJER
Nermin Nikšić

Co: - Dom naroda -
n/r gosp. Tomislavu Martinoviću, predsjedavajućem

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10 i 62/10), a u vezi sa članom 193. stav 3. Poslovnika Predstavničkog doma ("Službene novine Federacije BiH", br. 69/07 i 2/08), nakon razmatranja Prijedloga zakona o izmjenama Zakona o visini stope zatezne kamate na javne prihode, koji je u parlamentarnu proceduru uputila Hafeza Sabljaković, poslanica u Predstavničkom domu Parlamenta Federacije BiH, Vlada Federacije Bosne i Hercegovine je, na 42. hitnoj sjednici, 13.02.2014. godine, utvrdila sljedeće:

MIŠLJENJE

Zakon o dopunama Zakona o visini stope zatezne kamate na javne prihode, objavljen je u „Službenim novinama Federacije BiH“, broj 28/13, a isti se primjenjuje od 11.04.2013.godine.

U toku primjene ovog Zakona, porezni obveznici su se obraćali Federalnom ministarstvu i organizacionim dijelovima Porezne uprave Federacije Bosne i Hercegovine, sa zahtjevima za dodatna pojašnjenja. Pitanja su se uglavnom odnosila na rok za podnošenje zahtjeva za otpis zatezne kamate kao i rokove za izmirenje glavnog duga.

Na osnovu rezultata analize efekata primjene ovog zakona od strane Porezne uprave, proizilazi da je podnesen znatan broj zahtjeva za otpis kamate koji nisu realizovani. Glavni razlog koji navode porezni obveznici, ogleda se u sporoj realizaciji aktivnosti pokrenutih u cilju obezbjeđivanja sredstava za izmirenje glavnog duga.

Ciljevi koji su postavljeni prilikom donošenja ovog zakona, ogledaju se prije svega u potrebi za rasterećenjem poreznih obveznika tereta po osnovu duga na ime zatezne kamate, koji im onemogućava korištenje određenih prava, otežava likvidnost kao i mogućnost daljeg zapošljavanja.

Imajući u vidu naprijed navedeno, podržavamo donošenje izmjena navedenog zakona, s tim da cijenimo da je dostavljeni tekst Prijedloga zakona o izmjenama Zakona o visini stope zatezne kamate na javne prihode potrebno dopuniti, iz razloga postojanja potrebe za preciziranjem pojma „obračunata kamata“.

Shodno tome, Vlada Federacije Bosne i Hercegovine je, u skladu sa čl. 184. i 185. stav 6. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08), utvrdila

AMANDMAN I

U članu 1. Prijedloga izmjena Zakona o visini stope zatezne kamate na javne prihode ("Službene novine Federacije BiH", br. 48/01, 52/01, 42/06 i 28/13), iza stava 2. dodaje se novi stav 3. koji glasi:

„Pod obračunatom kamatom iz st. 1. i 2. ovog člana, podrazumijeva se kamata obračunata na neblagovremeno plaćene javne prihode do dana uplate istih“.

OBRAZLOŽENJE

Prijedlog zakona o izmjenama Zakona o visini stope zatezne kamate na javne prihode potrebno je dopuniti, iz razloga postojanja potrebe za preciziranjem pojma „obračunata kamata“. Ovo iz razloga što bi se u primjeni ovog zakona mogle pojaviti određene dileme u vezi sa periodom za koji se obračunava kamata koja će se u skladu sa ovim članom otpisivati (u 100% ili 50% iznosu). Shodno tome, predlažemo ovaj Amandman.

V. broj: 219 /2014
13.02.2014. godine
Sarajevo

